

**DE LEGE NATURAE
OFFICIISQUE EX EA
PROFLUENTIBUS
METAPHYSICA
DISSERTATIO...**

Luigi Taddeo Tamburini



6b XIV 29 131

DE LEGE NATVRAE

OFFICIISQVE EX EA PROFLVENTIBVS

METAPHYSICA DISSERTATIO

HABITA IN SEMINARIO

ET COLLEGIO PISTORIENSI

AB ALOISIO THADDAEO

T A M B V R I N I

P A T R I C I O M A N T V A N O

IN EODEM COLLEGIO CONVICTORE

ET PHILOSOPHIAE, ET MATHESEOS

A V D I T O R E .



F L O R E N T I A E . M D C C L X X V I I I .

Ex Typographia Francisci Möücke . Praesidium facultate .

THE
HISTORICAL RECORD
OF THE
UNITED STATES
OF AMERICA
FROM
1776 TO 1876
IN
FIVE VOLUMES
BY
JOHN H. HARRIS
OF THE
BUREAU OF THE
UNITED STATES
ARMY

THE
HISTORICAL RECORD
OF THE
UNITED STATES
OF AMERICA
FROM
1776 TO 1876
IN
FIVE VOLUMES
BY
JOHN H. HARRIS
OF THE
BUREAU OF THE
UNITED STATES
ARMY

(III.)



NOBILISSIMO, ET AMPLISSIMO VIRO

CAROLO EX COMITIBVS

DE FIRMIAN

DOMINO IN CRONTMEZ, MEGGEL, ET LEOPOLDSCRON

IOSEPHI II. CAESARIS

E T

MARIAE TERESIAE

A V G V S T A E

P P. F F. I I.

A CVBICVLO, ET A SANCTIORIBVS CONSILIIS, CVRSVI PVBLICO IN ITALIA PRAEFECTO,
 MANTVAE, SABVLONETTAE, ET BOZZOLI PRORECTORI, IN VNIVERSIS AVSTRIACAE
 LONGOBARDIAE PROVINCIIS PLENA CVM POTESTATE ADMINISTRO, SVPEREMI REI LITTERARIAE
 MAGISTRATVS PRAESIDI &c. &c.

ALOISIVS THADDAEVS TAMBVRINI

DEDICO, CONSECRORQVE



*Iovis altisoni proles, o qua alma Virorum
 Emicuit nutrix, victis & Graecia maior
 Clarum spirat adhuc fatis; tibi lucidus aether,
 Lascivi & plaudunt Venti, tibi ferrea paret*

A 2

An-

Amorum turba omnivorum, atque oblivio noctis
 Arbitra Leihææ, insultans & fortibus ausis
 Livor; te memores fastus, titulique decentes,
 Te fasces, & opes dominæ, laudum & chorus omnis
 Te sequitur; Geniis per te stipata decoris
 Clarat Fama Viros, solvi & renuentibus alis
 Nomen agit magnum ponti supra aequora, supra
 Auricomum Titana, & navisfragos Aquilones.
 Deliciae o Divum, Virgo Inchyta, fida tuorum
 Spes, columenque, tuo quondam si numine cautus
 Aeolides, tantum sobolesque imitata parentem,
 Extremum Tanaim ultra, Atlantaeosque recessus
 Maeonia sonuere tuba; iam suffice vires
 Nobis, ingentesque animos, Diva Inchyta, Tanti
 Dum canimus generosa VIRI praeconia, & olli
 Fingimus egregios numeros, quos effera Martis
 Non rabies, non imber edax, Austrique proceres,
 Non violent nimbi, iaculataque fulmina Caelo.
 Tuque decus Patriæ, o & Palladis incrementum,
 Praesidium, o tutela Virum, quos lumine cernit
 Mercurius placido, Charites quos munere donant,
 Munere Mygdoniis centum potiore lapillis;
 Sis bonus o, audacesque ratim dum credimus alto
 Da faciles in vela auras, da, CAROLE, dextro
 Omine me sanctas doctrinæ accedere partes,
 Naturæ & penetrare adytus; quas illa sagaci
 Usque sedens folio tulerit mortalibus aegris

Le-

(V.)

Leges , quid mos , & ratio , quid iusque , piūque ,
 Quo mihi principium Divae , quas ordine laudes ,
 Grandia facta VIRI , & totum vulgare per orbem
 Incipiam , Pimplaeque suavi spargere rore ,
 Quem non unquam Hebe Iunonia , cara Tonanti
 Troïdos aut proles mensis fudere Deorum .
 Viderat ille Heros tantis virtutibus auctus
 Urbem , quam vitreis late discriminat undis
 Ticinus , tristi longum torpere veterno ,
 Dum haec secum : Non marmoreis innixa columnis
 Tempia , nec auratis distincta aulaea figuris ,
 Non quæ alienis ornatur , ceu garrula cornix ,
 Nobilitas plumis , non rapta ex hoste trophaea
 Concelebrant urbes , ipso at pretiosior auro ,
 Necnon ipsa sui merces pulcherrima Virtus .
 Rumpe moras , mi anime , & quod non praestantius ullum
 Aggredere o facinus , sacroque calentibus igni
 Ingeniis sternatur iter , despectaque Musae
 Colla levent , raucum fileat formosa Lyceum
 Attica , quaeque alto pugnacis robore dextrae
 Attonitum , doctis superabit & artibus Orbem .
 Nec fatus plura : Austriacæ cum dulcibus auris
 Adiutus Dominae accitos ex omnibus oris
 Invitat pretiis , quos Omnipotentis Olympi
 Tutatur fivor , & molles aluere sub antris
 Aoniis Musæ . Salve o iustissima cura
 Caelituum , atque hominum , & Parnassidos Hippocrenes .

Auspice te varios Caeli quae dirigit ignes,
 Vranie divina, & pulvere sordida pulchro
 Demissis oculis, rugosa & fronte Mathesis
 Insigni incumbunt operi, quo rura Cayopi
 Aequo ditavit vel primum opulentia carni;
 Te monstrante viam flavi sata sanguine Phoebi,
 Qua tristes passim morbi, atque examina dira
 Curarum effugiunt, niveis invecta quadrigis
 Arva simul, populosque perambulat aurea circum
 Usque Salus, risusque, Dcae comitatus, aguntur
 Gressu pone subit lento Sophia, atque Sorori
 Larga recludit opes, felix quas Aitalus unquam,
 Non Lydus vidit Croesus, non India, ditis
 Non domus Arabiae misit, non barbara Memphis,
 Per te incorrupti sellers prudentia iuris,
 Progenies Themidis, qua magni urbs alta Quirum
 Non ducibus metuenda feris, non milite Marso
 Infandasque aquilis spirantibus undique clades,
 Regnat adhuc, praeclara suos expromere foetus
 Gaudet, & infemni dudum vigilata labore
 Oracla efferre, & circum plaudente corona
 Auribus instillare alma perfusa nitore,
 Hyblaco & flore, ambroso mellitaque succo.
 Salve iterum atque iterum, tecum prudentia binis
 Laeta oculis, taciturna vices hoc temporis acti,
 Quodque futurum illo, partes speculata per omnes,
 Et studia omnivola, & primo mendacia motu,

In-

(VII.)

Indomitos cobibens æstus animique furores
 Longum exploratis mollissima tempora tentat
 Consiliis , factisque ; at Vulgi ignobilis acri
 Excipitur risu , donec fortuna secundo
 Adspirans flatu , lateri hæveat , omnia & illi
 Exoptata ferat ; tecum velataque panno
 Pura fides albo , Decorum tibi candida turba
 Certatim arridet , solidoque perennius aere
 Attollit monumentum ; o vere sedibus altis
 Demissum genus , o & vita gratius ipsa
 Hisque oculis astrum , gelidas Vmbronis ad undas
 Quæ me perdocuit morum sapientia , vultu
 Excipe pacato , aeterno hæc condire lepore
 Diva per informis squallentia flumina Lethes
 Annuit , aureoli steterunt in vertice crines ,
 Quo mare , quo terras , quo mulcet inania Caeli .





DE LEGE NATURAE

OFFICIISQUE EX EA PROFLVENTIBVS



SI ex inerti, otiosaque materia omni virium, & motus intrinseco destituta principio, atque ex mirabili Mundi ornatu, & partium dispositione Naturam aliquam multo magis quam assequi cogitatione possumus, excellentem, atque praestantem, quae magnam gerat nostrarum rerum, assiduamque curam, quae bene pro meritis, capiatur, quae poenas, ac praemia dividat, quae ferat implorantibus opem, quae denique cuncta numine moderetur suo, sapientissimum scilicet, ac praepotentem Deum existere aetatum omnium saniores Philosophi unanimi consensione recte intulerunt; nonne potiori iure ab eodem aeterno Moderatore, & Parente Deo ad beate vivendum eae Leges in hominum cordibus insitae agnoscendae sunt, quibus veluti inconcussis, altissimisque principiis, qui politicas gentium formas instituere aggressi sunt, potissimas regiminis causas statuere, cum a supremi Numinis sapientia, providentia, bonitate summo opere abhorreret amplissimam hanc rerum universitatem, ut omnibus in comperto est, qui in illam oculos, mentemque convertunt, non mutabilibus quibusdam, ac variis, sed certis perpetuisque legibus regi, animos vero materia solutos, libertate praeditos, vehementiori-
busque assidue iactatos cupiditatibus, nullis legibus gubernari? Quis nostra ergo damnet haec iam conamina, si tanti Viri suffulti patrocinio eos hodierna luce aggredimur, refutandos, qui eam legem, quam ex natura ipsa accepimus, haesumus, expressimus, aut ex unanimi po-
pulo-

pulorum omnium consensu, aut ex privato solum iudicio, amore, atque utilitate, aut alio quolibet nefario absurdissimoque principio turpiter deduxerunt? Quod ut rite assequamur, invictissimis primum rationum momentis naturae legem singulis hominibus summo, peculia-rique Dei munere concessam statuemus, eaque subinde evolvemus of- ficia, quae ex ipsa, ceu quodam uberrimo e fonte, proficiuntur.

DEFINITIO.

L Ex definiiri solet regula quaedam, aut mensura actuum humano- rum, per quam ad id, quod rectum est, agendum, & quod pravum est, omittendum dirigimur; seu potius ordinatio rationis im- perans honesta, prohibens contraria.

PROPOSITIO I.

*Exposita superius lex a supremo Numine indita
in singulis hominibus existit.*

L Egem illam, quae invariabiliter, ac inseparabiliter homini sequi- tur naturam, neque hominum ingeniis excogitatam, nec scriptum aliquod esse populorum, sed aeternum quiddam, quod universum Mun- dum regat, imperandi, prohibendique sapientia, quis audebit inficiari, dum probe intelligat Deum O. M. ac sapientissimum non eo homines universos condidisse consilio, ut assiduus calamitatibus & miseriis ange- rentur, sed ut summam, perfectamque assequerentur felicitatem, quam cum infirmis naturae viribus eam sibi nequeant homines comparare? Nonne ex natura Dei Optimi, sapientissimi, beneficentissimi necessario consequitur, quod ea ipse hominibus media suppeditet, quibus ad sum- mam hanc felicitatem, suam veluti finem, perpetuo dirigantur? Atqui media, quibus homines felices, beatique effici possunt, sunt divina Le- gislatio, seu communicatio supremæ rationis Divinae brevi hominis rationi, & gratia, seu communicatio bonitatis Divinae, quibus infirmæ humanæ naturæ vires augentur adeo, perficiunturque, ut praesidiis hisce validissimis instructæ perfectissimum felicitatis apicem possint attingere. In omnium ergo hominum cordibus insculpta affulget, qua providen- tissimum Numen eorum mentes moderatur. Et sane quis unquam re- perietur, licet impudentissimus, qui non asserere solum, sed cogitare etiam maxime non perhorrescat, nil hominem adulterum, & parrici- dam a viro probò, & honesto differre, omnique scelere & culpa in Deum impietatem vacare? quod fieri nullatenus posset, nisi communi quodam lege homines singuli ad id, quod iustum & honestum est,

am-

(XI.)

amplectendum , quod vero turpe , fugiendum impellerentur , quemadmodum vel ipse Jacobus Roussiois animadvertit. „ Jetez les yeux sur „ toutes les nations du monde , dit J. I. Roussieu , Emile Tom. III. , „ parcourez toutes les histoires ; parmi tant des cultes inhumains , & „ bizarres , parmi cette diversité prodigieuse de mœurs & de caractères , vous trouverez par tout les mêmes idées de justice , & d' „ honnêteté , par tout les mêmes notions de bien , & de mal. L'ancien „ paganisme enfanta des Dieux abominables , qu' on eût punis ici bas „ comme des scélérats , & qui n'offroient pour tableau du bonheur „ suprême que des forfaits à commettre , & des passions à contenter. „ Mais le vice armé d'une autorité sacrée , descendoit en vain du Ciel „ jour éternel , l'instinct moral le repoussoit du coeur des humains. En „ célébrant les débauches de Jupiter , on admiroit la continence de „ Xenocrate , la chaste Lucrece adoroit l'impudique Venus La „ sainte voix de la nature , plus fort que celle des Dieux , se faisoit „ respecter sur la terre

„ Il est donc au fond des ames un principe inné de justice , & „ de vertu , sur le quel , malgré nos propres maximes , nous jougeons „ nos actions , & celles d'autrui comme bonnes ou mauvaises , & c' „ est à ce principe que je donne le nom de conscience „

Quomodo enim Deus O. M. sapientissimus , intelligentissimus , ac beneficentissimus dicendus videretur , si mortalium mentes gravissimis tenebris circumfusae nullis interius legibus regerentur , assidueque suis in operationibus voluptatum fluctibus iactatae ab illo , quem a Deo constitutum acceperunt , sine deficerent ? Apertissime deinde nonne cum summa Dei bonitate , & providentia pugnaret , quod animalis hominum vita mechanicis legibus regeretur , ipsorum vero rationalis , & moralis vita longe praestantior , sine moralibus legibus pecudum more traduceretur ? Si enim ad singulas animantium species , pulcherrimumque ordinem , qui in universo conspicitur , plurimum contulit , ut ferae instituto quodam , ac lege regerentur , unde inter ipsas amicitia , societas , mutua connexio reperiretur , quanto ergo convenientius , & utilius hoc in homine praestari debuit ? Cum vero Deus homines condiderit , ut libera voluntate seu dominio caeteris rebus omnibus uterentur , eisque veluti certas leges imponerent , quis non intelligat , ut homo ipse certis quibusdam legibus a Deo veluti supremo omnium Domino dirigi , vel obligari deberet ? Quae quidem veritas luculentius adhuc se prodat , si ad rationalem hominis naturam parumper attendere velimus . Nonne enim hanc maxime decuit , ut cum se indumeris prope modum beneficiis a Deo exornatam , & illustratam esse animadverteret , intimo quodam , ac sincero animi sensu afficeretur , ut Auctorem beneficentissimum , & amantissimum coleret , ac veneraretur , suosque

mores, & actus ita componeret, ut divinam illius voluntatem exqueretur, illique prorsus obtemperaret? quod certe fieri non poterat, nisi Deus certis legibus suam hominibus voluntatem ostenderet, quibus se coli voluisset.

Ex quibus omnibus non modo Legum necessitas, & convenientia consequitur, sed evidentissime etiam eruitur, unde illarum vis, & auctoritas, a supremo nimirum rerum omnium Opifice dimanet; cum enim liberas hominum voluntates ille condiderit, ab ipso quoque eadem legibus, veluti quibusdam fraenis, erant coercendae, ne in quemlibet actum indiscriminatim spatiarentur, nullique legi, vel ordini obtemperarent.

COROLLARIUM I.

Perperam ergo Legis naturalis originem a communi omnium consensu ducendam nonnulli censuerunt. Quid enim hoc insulsius fingi, excogitarique potest? Si enim rerum honestas, & naturae ius ab unanimi populorum omnium consensu est repetendum, quis hoc perfecte dignoscere posset, cum in maxima ignoratione versemur omnes circa mores, & instituta populorum omnium, ac nationum, quae peculiares & proprias leges singulae habent, quibus in vita feliciter peragenda diriguntur, ut vix, ac ne vix quidem distingui possit utrum mos ille, qui apud ipsas invaluit, ex naturali, vel potius civili iure profluxerit? Hinc non ideo honesta, iurisque naturae censeri debent, quod a populis omnibus probentur, sed ideo potius a gentibus & nationibus illa probari dicendum est, quod honesta, ac naturali iure praescripta sive propofita fuerint.

COROLLARIUM II.

Quid insuper magis exitiosum, magisque absurdum Hobbesii Systemate effingi potest, quo intensissimus humanae naturae hostis statuit omnem naturalis iuris originem ex privato solum iudicio, amore, atque utilitate esse deducendam, & illa solum honesta, & iure naturae praescripta, quae privatae cuiuslibet utilitati conferre videntur? Inprimis namque animadvertit Hobbesius nullam inter homines societatem, nullumque foedus esse ineundum, nisi commodi, vel utilitatis amore; hinc unius potius, quam alterius amicitiam expetendam, ac favendam docet, quod exinde maior utilitatis spes affulgeat. Definit namque ius naturae dictamen rectae rationis circa ea quae agenda, vel omittenda sunt ad vitae, membrorumque conservationem, quantum fieri potest, diuturnam, proindeque statuit, naturam unicuique homi-

mini

nam aequale ius concessisse in omnia, id est unicuique licere facere quaecumque & in quoscumque libet; quae sua interesse putet, atque idcirco in statu naturali mensuram iuris esse cuiusque utilitatem. At quid sceleratius excogitari potest, quam statum aliquem supponere, in quo Creator existere voluerit creaturam ratione praeditam, quae facultatem habeat promiscue faciendi etiam in parentes, dummodo ipsi utile videatur? Imo si omnia iuxta privatum duntaxat commodum & utilitatem, nulla caeterorum hominum ratione habita, metiri quisque posset, cum caeteris quoque eadem praebeatur facultas, nonne exinde consequeretur, quod ea quae propter utilitatem constituuntur, utilitate alia convelletur? Deinde si morum honestas & naturae lex a propria singulorum hominum utilitate foret expetenda, cum huiusmodi utilitas in variis hominibus varia esse debeat, ipsa quoque actuum humanorum honestas in variis, oppositisque rebus, & obiectis consisteret, & lex naturae constans, atque invariabilis esse non posset: quod est omnino absurdum.

Accedit quod nullus amplius virtuti, nullus clementiae, nullus sapientiae locus superesset, quin potius ab ipso naturae iure desisteret quicumque propriae utilitati patriae, parentum, liberorumque amorem anteferreret. Ingenitum certe est singulis hominibus, atque illorum cordibus inditum suimetipsum studium, atque innata sui conservandi perficiendique cupiditas; at non ita tamen, ut mutuae societati & amori, & communi etiam aliorum, quos nobis similes, & aequales esseprehendimus, utilitati opponatur, sed illa propriae utilitatis cupiditas, siquae amor ita temperari debet, ut illa nobis utilia & commoda complectamur, quae in aliorum, & patriae praesertim perniciem cadere non possunt, semperque parati esse debemus, si id honestas requirat, proprias etiam utilitates, fortunas ac vitam ipsam contemnere, ut patriae, humanique generis commodo consulamus. Iure ergo, meritoque, ut Becherus apposite animadvertit, nefarius Hobbesius principiis huiusmodi iustum, & iniustum perperam aestimat, legem male definit, principem impie solvit lege, civitatem, quam adornat, aut deformat, aut evertit, pastorum religione non multum tangitur.

COROLLARIUM III

Corrumpit insuper longe nocentius systema Benedicti Spinosae, qui ut legem omnem naturalem, & societatem penitus everteret, contendebat Dei potentiam, & eius ius idem esse, eandemque deinde prorsus rem esse Dei & Creaturarum potentiam, omnemque postremo libertatem Deo, & hominibus adimere ausus fuerat impudentissime. Atque a priori illo, quo idem systema innixitur, fundamento convellendo, aver-

avertendoque exordiamur, quis optime non deprehendit quod licet sup-
premi Numinis potentia, voluntas, ratio una eademque res sint, Di-
vinæ tamen voluntatis norma non ipsa voluntas sit, sed divina ratio,
seu intelligentia, qua iusti, & honesti immutabiles notiones continen-
tur? Licet ergo suum Deus voluntate & potentia in singulas res supre-
mum ius & imperium exerceat, Divina tamen voluntas non ita est
accipienda, ut eadem sit cum potentia Divina. Quare cum eiusmodi
ius, & dominium ex eo potissimum oriatur, quod Deus cuncta con-
diderit, eaque assidue condant, & conservet, adeoque essentialiter cum
rerum dependentia a Natura Divina coniunctum sit, perperam eiusmodi
divinum ius cum potentia Divina confundere, ac permiscere cona-
tur Spinoza. Ad alterum vero quod spectat, quis unquam sanæ mentis
reperietur, qui Deo libertatem præcipere audeat? Cum enim Deus a nul-
lo prorsus exteriori principio pendeat, ad agendum potius hoc, quam
illud, determinari extrinsecus non poterit; scilicet extrinsecus erit li-
ber, intrinsecus etiam suæ naturæ necessitate determinari non potest
ad hoc potius, quam ad illud extra se agendum, siquidem tota Dei
natura in se est perfectissima & sibi sufficientissima, nec necessario fer-
ri debet nisi in seipsam.

Deinde exteriores res omnes omnino variabiles cum sint, neces-
sario connecti nequeunt cum natura immutabili, & necessaria. Ni-
mis ergo a recta ratione alienum est, quod confinxit Spinoza prima
parte Ethicæ propositione XVI. XVII., & XXXIII. res Universi huius
omnes esse modificationes substantiæ Dei, & fieri ex necessitate natu-
ræ Dei, & solis Divinæ Naturæ legibus, & necessario. Neque aliquid
suffragari potest Spinozæ materiam in suis omnibus partibus homoge-
neam sub forma arboris, ignis, cineris eandem esse. Cum enim En-
tis immutabilis nomine intelligamus illud, quod nihil unquam de no-
vo acquirit, nihil ex iis, quæ acquisierat, amittit, & ratione substan-
tiæ, modorumque omnium semper est idem, sequitur, illud esse mu-
tabile, quod cum ratione substantiæ idem maneat, modificationes no-
vas successive adipiscitur, & alia accidentia amittit, quibus antea af-
ficiebatur; secus nec Proteus, nec Vertumnus, nec Thetis celebriores
illæ humanæ instabilitatis imagines, mutationi alicui obnoxiae dici
potuissent. Iam vero per varias formas, & modificationes successive
transit materia. Licet igitur quoad substantiam eadem maneat, muta-
tionum omnium subiectum est, nec a Divina substantia necessaria &
immutabili necessario potest profluere. Atque ut suis Spinozam princi-
piis refutemus, confodiamusque: si ut, ipse Ethicæ parte prima statuit,
certo certius est, Dei Omnipotentiam actu ab æterno extirxisse, atque
in eodem actu assidue esse permanentem, eandemque præterea ubique
esse infinitam, quomodo eadem finitæ singulorum actuum & entium
natu-

§§ (XV.) §

naturae poterit convenire, quorum potentia angustissimis est circumscripta limitibus, nec tota unquam in actu consistit? homines enim non totis suis semper viribus agunt, sed sola plerumque parte virium utuntur. Deinde cum effectus suis causis respondeant, ex huiusmodi divinae atque infinitae potentiae participatione seu communicatione effectus sequeretur infinitus, quemadmodum ex infinitae lineae per infinita puncta multiplicatione rectangulum exurgit infinitum, quod omnino adsonum, & absurdum censei debet. Participes quidem Deus homines effecit potentiae Divinae, sed ita quidem, ut vires & potentiae entium singulorum effectus quidem potentiae Divinae, non vero potentia ipsa Divina evadant, non secus ac vires illae motrices, quas homines machinis communicant. non ipsae sunt hominum vires, sed virium humanarum dumtaxat effectus, quemadmodum clarissimus Genuensis animadvertit. Convulsis itaque Hobbesiani, & Spinozistici systematis nefariis fundamentis caetera quoque, quae ex illis deducuntur, corruant necesse est. Praetermissis itaque, ne longius qua par est oratio nostra progrediatur, Grotii, Puffendorffii, Wolfii, Heinneccii, aliorumque de Lege Naturae inter se invicem & cum praeconstituta sententia parum congruentibus opinionibus, superest nunc, ut ea modo diligentius evolvantur officia, quae ab ipso naturae iure singulis hominibus indiscriminatum praescribuntur.

P R O P O S I T I O I I .

Quae erga Deum ab hominibus exhibenda sint officia.

Cum ipsa naturae voce quisque intelligat Deum O. M. rerum omnium Supremum Opificem ac Dominum esse, & se ab ipso conditum, innumerisque beneficiis cumulatum sentiat, nonne clare videbique agnoscat nihil magis decere, quam ut Deo ipsi vivido quodam, ac sincero grati animi sensu venerationem, amorem, & si quae fuerint alia devotissimi, & obsequentis animi officia exhibeat? Et sane quis unquam reperietur, qui certissimis rationibus eruditus se a Deo productum esse, atque incredibili facultatum varietate exornatum, atque in amplissimo hoc rerum theatro ita esse constitutum, ut libere variis creaturarum generibus uti possit, Deumque ipsum veluti sapientissimum, potentissimum, perfectissimum, & beneficentissimum deprehenderit fieri, ne poterit, ut intimo animi sensu & amore Deum ipsum non agnoscat, diligat, veneretur? Cumque se ingenito quodam amoris impetu ad bonum diligendum impelli sentiat, tantoque fortius allici, quanto perfectius & amabilius fuerit obiectum, quod ab intellectu sibi proponitur, clarissime quoque cognoscet, se natura ipsa ad Deum

Deum ipsum, qui veluti summum bonum bona cuncta produxit, atque infinitam bonitatem in se complectitur, super omnia diligendum ita dirigi, ut nihil magis sibi naturali iure praescriptum sit, quam Deum ipsum puriori vehementiorique, & infinito quoque, si id fieri posset, ardore diligere. Quod si Deum veluti auctorem, patrem amantissimum, iustissimum, perfectissimumque grati animi sensu vel amore completatur, intelliget etiam sine maximo scelere se ab illo fine deflectere non posse, quem Deus ipse sibi constituerit, omnesque deinde leges, sacrosque ritus, aut religionis actus, quibus Deus coli voluerit, sanctissime esse servandos. Deinde qui Deum veluti providorem beneficentissimum paulisper consideraverit, nonne illico intelliget, duplici ratione ipsum esse excolendum, cultu nimirum, & obsequio, quo supremi Numinis maiestatem vereremur, & amore, quo ipsius amori, ac beneficentiae aliquas saltem, licet impares vices, memori, gratoque animo rependamus? Et ad cultum quidem quod attinet, optimo sane consilio apud nationes universas in more positum, atque institutum esse conspicimus, ut homines non intimo solum, ac sincero animi sensu, sed exterioribus etiam actibus, sacrificiis nimirum, ritibus, caeremoniis obsequium Numini testarentur, ut ii proinde, qui uno eodemque religionis spiritu in colendo Numine convenirent, hoc exteriori cultus genere artissimum veluti foedere devincirentur.

Verum non communi solum gentium, ac nationum omnium consensu, sed rationibus etiam ex ipsa religionis notione petitis Deo nedum internum, sed externum etiam cultum exhibendum esse patet luculentissime. Cum enim *religio* definiri solet *virtus quae Deo tanquam supremo omnium Domino debitum atque congruentem cultum adhibet*, quis summo Deum amore summoque obsequio colendum esse inficias ibit? Et sane, cum Deus ens sit perfectissimus, infinitus, & nostri Pater optimus atque amantissimus, immensusque felicitatis fons & origo, & rerum omnium Dominus: iure ergo, ut optime animadvertit Genensius, fieri non potest quin merito Deum cultu illi prosequantur, qui Deum ipsum huiusce aspectabilis mundi universi opificem sapientissimum, providentissimum, optimum, iustum, omnia inspectantem, & rebus singulis praesentissimum deprehenderint. Quod vero Deus externum etiam cultu, invocatione nimirum, gratiarum actione, sacrificisque ritibus sit excolendus, ex eo maxime colligitur, quod humanae naturae quadam necessitate a Deo exoptare assidueque exposcere debemus, ut ea, quae nobis bona & utilia sunt, conservet, plurima, quibus indigemus, conferat, & quae mala sunt, a nobis avertat. Tandem cum quidquid boni habent homines, supremo id omne Numini & auctori bonorum omnium merito referre debeant, facile quisque deprehendet, hoc non interna solum gratiarum actione faciendum esse, sed externam etiam

etiam oratione, iisque ritibus, & caeremoniis, quae certa veluti signa censendae sunt; quorum ope ea in memoriam revocantur, quae ad cultum divinum tum internum, tum externum pertinere videntur. Solo ergo naturae affulgente lumine intelligimus, Deum interius, exteriusque ab hominibus esse necessario excolendum.

COROLLARIUM I.

Cum ex historiarum monumentis, indubiisque Itineratorum relationibus constet nullam tam barbaram atque efferatam nationem in terris reperiri, quae Divinitatem aliquam non colat, & quae ei publice, privatimque exhibendum honorem non putet, quae sana, quae delubra, quae sacra, quae caeremonias non commendaverit, immerito ergo a perditissimis quibusdam viris vulgatum est, atque incautae mentis homines in suspensionem adducti sunt, a magistratibus, virisque principibus reipublicae causa religionem investam fuisse.

COROLLARIUM II.

VT debito homines obsequio & amore Deum prosequantur non morales modo actiones universae ad naturae legem conformandae sunt, sed cum ex ipsis virtutum omnium essentia dimanet, hinc eae colendae amplexandaeque virtutes sunt, quae ad Deum praecipue referuntur, quarum omnium basis & fundamentum est fides, quaeque non in speculativa dumtaxat Dei cognitione, sed in interno, externoque cultu versari potissimum debet. Cum vero ex sensibilibus, ac visibilibus Dei operibus quibusdam veluti gradibus ad ipsum intrandum, atque intelligendum liceat ascendere, nonne assidua rerum naturalium contemplatio ad fidem in nobis excitandam plurimum conferet? Quare ea procul a nobis sunt propulsanda, quae aliquam animis nostris iniicere valent dubitationem, fidemque ipsam imminuere ac labefactare, proindeque perniciosissimis quibusdam libris perlegendis, & perditissimorum hominum colloquiis maxime cavendum, ex quibus ceu pestiferis, ac venenatis fontibus plurima, gravissimaque in universam Christi Domini religionem nullo non tempore damna profluxere.

Quis in Deo O. M. ac beneficentissimo omnem spem & fiduciam collocandam esse non intelliget, dum probe animadvertat, omnia a Deo ad optimum finem dirigi? Quare si non praesentis tantum, sed futuri etiam, atque a providentissimo Numine sapientissime constituti rerum omnium nexus rationem habeamus, maximam semper in Deo spem & fiduciam collocabimus, & non modo nullis adversae sortis fluctibus iactabimur, sed calamitatibus etiam ipsis ingraentibus obviam ibimus audaciores.

Tandem quis ex summi optimique Numinis cognitione ad illius amorem non excitabitur, atque inflammabitur, praesertim cum divinas illius perfectiones, infinitamque bonitatem parumper fuerit contemplatus?

COROLLARIUM III.

CVM itaque duplici cultus genere, externo nimirum & interno, Deus colendus sit, hinc merito superstitiosi illi censendi videntur, qui in ritu solum externo supremi Numinis cultum collocant, atque eam vim, & efficaciam rebus creatis tribuunt, quae soli Deo competit. Est enim superstitio superstantium rerum, hoc est caelestium, & divinarum, quae supra nos stant, inanís, & supervacaneus metus, seu potius veri, aut falsi Numinis cultus vitiosus, atque inordinatus. Superstitionis crimine ii maxime sese obstringunt, qui ad suas effraenas animi explendas cupiditates rebus sacris turpissime abutuntur, & sanctiora religionis sacramenta sacrilegiis, profanisque ritibus laedere, ac temerare non verentur. Ad superstitionem referendae sunt divinationes omnes, quibus referta est Astrologia iudiciaria, quaeque a Cicerone definiuntur earum rerum, quae fortituae putantur, praedictiones ac praesentiones, ut ex. gr. humanarum actionum, infirmitatis, aut valetudinis futurae non coniectura, sed quaedam scientia. Quis vero suum inducat in animum quod Deus occulto astrorum influxu rebus liberis & contingentibus provideat? Aut quis in astris descripsit eventus rerum futurarum? Poteritne astrologorum ingenium corporeis solum oculis, quorum sensus in ingentibus praesertim distantis decipi facile potest, haec omnia animadvertere, planeque perspicere?

Cum vero omnis spes & fiducia in Deo O. M. ac beneficentissimo sit collocanda, nonne praeclarissimam hanc virtutem gravissime laedunt ii, qui tantum ab iustitia Divina sibi metuunt, ut de aeterna ipsorum salute insipientissime desperent, quique ob gravissimas, quibus plerumque implicantur, calamitates ita animum despondent, ut eas declinare somniantes mortem sibi nefarie consciscendo sapientissimum divinae providentiae ordinem invertant, sanctissimasque naturae leges perfringant? Quid vero de iis dicemus, qui perverso adeo sui amore ducuntur, ut omnia non ad Deum ultimum veluti finem, sed ad seipsos referant? Quid tandem de scelestissimis illis, qui eo demeritiae, & temeritatis deveniunt, ut divinum supremi Numinis nomen summis ubique laudibus concelebrandum, profano ore execrentur?

PROPOSITIO III.

Quid erga seipsos ab hominibus praestandum sit.

ETI, ut a Cicerone monemur, nemo ad amorem sui sit adhortandus, cum inutile prorsus, & supervacaneum sit in quod sponte imus, impelli, tamen cum huiusmodi amore ad ea plerumque diligenda, atque inquirenda homines excitentur, quae a pulcherrimo ratio-

tionis lumine, vel constituto. sine illos avocant, ut sui uniuscuiusque amor ingenuus, honestusque sit certis quibusdam finibus ita circumscriptendus, ac temperandus, ut religioni, mutuaeque societatis legibus nullatenus adverferet. Quod certe assequemur, si duplici respectu, quoad vitam scilicet animalem, & rationalem homines considerentur; atque ad utramque vitae rationem recte instituendam leges aliquae ex ipso naturae lumine, & moralis disciplinae principiis deriventur. Cum itaque animalis hominis vita in unionem mentis & corporis, cuius causa est Deus; atque in earum facultatum usum sita sit; quae corpore quodam veluti instrumento exercentur; hinc in eiusmodi vita animali tuenda summopere est entendum, ita ut nemini liceat sibi quacumque ex causa mortem consciscere; in hac enim vita; ut a Platone accepimus, veluti in custodia quadam positi sumus, neque decet quemquam ex ea seipsum solvere, neque aufugere; & quemadmodum in hanc vitam, inquit Lactantius, non nostra sponte venimus, ita rursus ex hoc domicilio corporis, quod tuendum nobis assignatum est, eiusdem iussu recedendum est, qui nos in hoc corpus induxit tamdiu habituros donec iubeat emitti. Homines, inquit Cicero, sunt hac lege generati, qui tuerentur illum globum, quem in hoc templi medio vides, qui terra dicitur; quare & tibi, Publi, & pius omnibus retinendus est animus in custodia corporis; nec iniussu eius, a quo ille est, vobis datus, flex hominum vitae migrandum est, ne munus humanum designatum a Deo defugisse videamini; quod tamen ita est intelligendum, ut mortem quidem nullatenus nobis sponte inferamus; non vero quod ipsam necessitate naturae advenientem pavidi, trepidantesque refugiamus, cum eadem potius contemnenda, atque hilari, lubentique animo sit subeunda; hæc enim gravissimis illis, quibus assidue premimur, nos eripit calamitatibus, & pios iustosque in perfectam, æternamque affert felicitatem. Verum cum homines iure naturae ad vitam servandam obstringantur; quæri hoc loco potest quousque a nobis id sit peragendum; iure quidem gentium ita comparatum esse intelligimus, ut arma armis propulsentur, vique vim refellere liceat; ipso tamen naturali, & humano iure erudimur id moderate, certisque legibus pro vario temporis, loci, rerumque discrimine fieri posse; nimirum in extremo vitae periculo; cum quis alium servare non potest, quin seipsum perdat, tunc enim, inquit Cicero, videtur nobis gladius ab ipsis porrigi legibus. Nam vero non modo in custodienda tuendaque vita ex naturali iure est adlaborandum, sed corporum quoque nostrorum sanitas, & valetudo curanda; vitiato namque corpore vitae animalis officia rite præstari nequeunt; quare non modo corpori alimenta, quibus acerrimus famis, sitisque sensus extinguatur, concedi debet; quo fractae vires reparentur, ut alterna veluti laboris, & otii vicissitudine miserrima huius mortalitatis vitae conditio levior efficiatur. In his tamen omnibus temperies, & modus adhiberi maxime debet; qui animo otioque

cere, cibisque se ingurgitare consuecunt, in gravissimas plerumque incidunt aegritudines, indeque corporis animique alacritas non medio-riter labefactatur. Quid vero de fortunae bonis ad animale vitam sustentandam, conservandamque pernecessariis dicemus? Bona certe fortunae, divitiae scilicet, honores, & amicitiae diligendae, vel inqui-rendae, aut si acquisite iam fuerint, conservandae sunt; negligere enim quid de se quisque sentiat, non solum arrogantis est, sed etiam dissolu-
luti. Illa tamen effraenis, atque insatiabilis divitiarum, & honorum cupiditas, qua humanus animus perditae deperit, ita leniri, vel potius extinguere debet, ut parvo contentus meritis solum, utroque oblati honoribus delectetur.

Quod vero ad animi culturam spectat, quae tanto maior, & ac-
curatior esse debet, quanto est animus corpore ipso nobilior & prae-
stantior, illud in primis curandum, ut seipsum quisque primum no-
scat, viresque suas, & indolem accuratissime inspiciat, cumque se cae-
lestis, ac divinae propemodum originis esse deprehenderit, se creatis
omnibus, ac corruptibilibus rebus puriorem intelligit; hinc immor-
talis felicitatis amore excitatus nobilior certe de se, ac magnificentius
sentiet, eaque summo opere respuet, quae puriori rationis luminis, & na-
turae legibus adversantur. Quod ut rite assequamur, intellectus &
voluntas primo est emendanda, ignorantiae scilicet, & errorum cau-
sae procul arcendae, pravique habitus convellendi, ut rerum cognitio-
ne, & virtutum habitibus intellectus, & voluntas perficiantur; hinc
variis rerum cognitionibus, & scientiarum luminibus intellectus est ex-
ornandus. Quoniam vero appetitus sensitivus ad bonum apparens per-
sequendum plerumque fertur, curandum maxime est, ut eiusmodi ap-
petitus atque affectus omnes rectae rationis imperio subiiciantur. Licet
enim affectuum nomine intelligamus perturbatos animi motus, qui ad
actus legi contrarios feruntur, si tamen ratione compefcantur, atque
ad actiones legi conformes dirigantur, non modo pravi, malignique
non sunt, sed honesti etiam, atque utiles; ita si affectu gloriae ora-
mur ad recte agendum, vitandumque crimen, ita ut absit omnis vanae
gloriorum labes, iam affectus bonus est, & non solum extirpandus non
est, sed etiam excitandus. Ad beatitatem vero comparandam nil cer-
te magis confert, quam ut optimae quisque vitae statum eligat, in
quo feliciter, & iucunde vivere possit; hinc maximus labor & indu-
stria est adhibenda, ut prius indolem animi, corporisque vires inspi-
ciat, singulaque vitae genera perpendat, eaque ad examen revocet in-
commoda, quibus illorum singula premi solent, sepositisque affectibus
omnibus illud eligat vitae genus, cui se parem & aptissimum noverit.
Si enim illud vitae genus eligant homines, ad quod non accuratissima
rerum cognitio, nec prudentis viri consilium, sed voluptatis ardor, sen-
sibilem rerum illecebrae & casus ipsos impulerit, incredibile dictum est
quot ex huiusmodi errore errores alii, & gravissima incommoda exor-
iantur.

riantur. Quare plurima in eligendo vitae genere sunt considerata, assidueque precibus divini Numinis auxilium implorandum, ne tanti momenti negotium temere suscipiatur, ex quo non praefens solum, sed aeterna etiam felicitas dimanat.

COROLLARIUM I.

Officiis, quae erga nosmetipsos sunt exercenda, eae adiungendae sunt virtutes naturali eodem iure praescriptae, quibus illa summo perfiuntur, quas inter ea primum recenseri debet, Prudentia scilicet, quam virtutum omnium fontem, atque reginam, & cum ipsa caeteras omnes coniunctas, ac permixtas Socrates existimavit. Haec a Cicerone definitur rerum expetendarum scientia, sive rerum bonarum, & malarum, & utrarumque scientia. Vt igitur actiones omnes ad finem illum, quem rerum omnium auctor illis praescripsit, honestatem nimirum dirigantur, rationes omnes sunt inquirendae, & loci, temporisque circumstantiae singulae sedulo circumspectendae, sepositisque affectibus in exerendis actibus consilium illud eligendum, quod rationi consonum sibi que tunc melius & optimum quisque animadverterit. Ad prudentiae vero regulas facilius comparandas plurimum conferet Sapientia, quae fines actionibus convenientes praescribit, & rationes ad finem obtinendum aptiores eligit. Deinde rerum praeteritarum memoria, qua nitide cognoscantur illa quae in similibus casibus, ac iisdem fere temporis, ac loci circumstantiis, feliciter vel infeliciter contigerunt. Cum vero vir prudens omnes actionis circumstantias diligenter observaverit, atque ex similibus exemplis operandi modum recte rationatione derivaverit, si infelix rerum susceptarum eventus acciderit, strenuo constantique animo esse debet, cum non solum in quacunque rerum gerendarum fortuna, sed in quolibet etiam humanae vitae casu, rebusque adversis fortitudine opus sit, quae a Cicerone definiri solet animi affectio cum in adeundo periculo, & in labore, ac dolore patiens, tum procul ab omni metu. Hinc optime observat Cicero quod licet illa, quae fortiter & excellenter in bello gesta sunt, quasi pleno ore laudentur, non minor tamen gloria debetur illis, qui in pace, civiumque societate res praeclare fortiterque susceperint. Cum fortitudine altera quoque virtus necessario est coniungenda, quae Temperantia dicitur, quamque virtutis fundamentum, pulcherrimorum habituum munimen, animi robur, prudentiaeque conservatricem Pythagoras, Solerates, Plato, aliique mirifice commendarunt, quaeque cum Cicerone definiri merito potest *rationis in libidine, atque in aliis non rectorumque petus animi firma, & moderata dominatio*. Pulcherrima itaque reusmodi virtus a nobis maxime est excolenda, cum ipsius ope non solum corporeae sensuum illecebrae, corporis motus, & affectiones omnes temperentur, & rationi subiiciantur, sed ea plurima, & gravissima mala a nobis propulsemus, quae ex intemperantia proficiuntur.

COROLLARIUM II.

Quemadmodum ex nitida sui ipsius notione naturae iure commenda plurimae dimanant virtutes, ita qui utilissimum eiusmodi studium negligendum putant, in vitia turpissima prolabuntur. Et sane qui nec seipsum, nec alios noscunt, supra caeteros sese intemperantius extollunt, atque adeo elati, tumentesque desipiunt, ut nihil tam sublime reperiatur, quo non contendant ascendere, nihil tam immensum, quod maiori non audeant fastu superare. Hinc ab omnibus suspici, intensesque coli desiderant, atque adeo gloriae, & honorum sunt percupidi, ut optimis quibusque viris eos praereptos velint: qui cum penitus ignorent quid valeant ipsorum humeri, quid ferre recusent, gravissimis sese negotiis gerendis impudentissime obtrudunt, miserrimoque illorum fato subiiciuntur qui suis non aequam viribus materiam suscipiunt. Virtutibus itaque superius recensitis vitia opponuntur; hinc fortitudini metus, & audacia adversantur, quorum alter est opinio impendentis mali quod intolerabile esse videatur, altera vero est inconsiderata periculorum susceptio. Qui enim timet, incapax est ad praecleara gerenda, & ad dura toleranda, quod fortitudinis proprium est. Illud autem hoc loco tenendum est, non fortis animi esse, sed ignavi, ac timidi, & desperantis, fugiendorum malorum, & incommodorum causa mortem sibi ultro consciscere, ut Aristoteles scribit lib. 3. Ethicae cap. 7. Mortem autem sibi ipsi consciscere, inquit, fugientem vel inopiam vel amorem, vel molestiam, fortis animi magnique non est, sed angustii potius, ac timidi. Nam quae laborem, sollicitudinemque desiderant, ea fugere ne malum habeas, mollis animi est, atque effoeminati. Adire vero pericula, eam ratio postulat, fortis, & robusti animi est; id autem facere inconsulto, & sine ratione, audacis est, & temerarii, ut inquit Cicero. In tranquillo enim tempestatem adversam optare, ait Cicero, amentis est; subvenire autem tempestati quavis ratione est sapientis. Ita non flagitante necessitate velle vita periclitari, quae cuique debet esse carissima, cum bonum sit omnium maximum in terris, imprudentia est, imo flagitium; at in periculis, si in aliqua incidamus, aut si qua adeunda sint honesti causa, forti atque excelfo animo esse vehementer laudabile est, eademque ratione imprudentis est sese inconsulto proicere in discrimen dignitatis, & fortunarum. Sed ita observandus est ordo, ut in periculis suscipiendis primum propositam nobis habeamus utilitatem reipublicae, tum vitam nostram, mox veram, solidamque famam, postremo bona fortunae, quae tamen contemnere saepe honestum est; maxime vero cavendum, ne levis emolumentum causa magnis nos periculis obiciamus.

Temperantiae repugnat intemperantia, quae est immoderatus voluptatum amor, quas serviles, & belluinas esse scribit Aristoteles. Cum itaque

itaque in iis voluptatibus versetur intemperantia, quarum participes sunt animantes, earumque sensus sit in nobis, non ut homines sumus, sed ut animalia; his talibus delectari, easque adamare belluarum est, ideoque flagitiosum, foedumque maxime, quemadmodum semper viri sapientes censuerunt. In pecudum namque, scribit Macrobius, ferarumque animalium numero habetur quisquis est his ferarum voluptatibus occupatus. Ad haec maxime acerba intemperantis vita est, quippe qui cum plura cupiat, nec possit consequi, tristitia ac molestia afficiatur necesse est, quemadmodum ab Aristotele demonstratur libro tertio Ethicae. Quemadmodum enim, inquit Tullius, temperantia sedat appetitiones, & efficit ut hae rectae rationi pareant, conservatque considerata iudicia mentis; sic huic inimica intemperantia omnem animi statum inflamat, conturbat, incitat. Itaque & aegritudines, & metus, & reliquae perturbationes omnes gignuntur ex ea, quae quo vehementior est, eo magis mentem e sua sede dimovet, atque deturbat.

Omnium vero maxime temperantiae repugnat incontinentia, quae obsoenarum voluptatum vehemens quaedam & inconsiderata appetitio definitur. Nemo est, qui hoc virium non putet esse turpissimum, maximeque flagitiosum, cuius vis tanta est, tantumque insolens, & malefica, ut homines in belluas mutet, quod incautis Vlyssis sociis contigisse Poetae fabulantur, qui in impuros lutulentosque sues mutati fuerunt, ut a Virgilio praesertim Aeneidum VII. miris coloribus Circaeam terram describente narratur:

*Hinc enaudiri gemitus, iraque leonum
Vincta recusantum, & fera sub nocte rudentum;
Setigerique sues, atque in praeseptibus urfi
Saevis, ac formae magnorum ululare luporum:
Quos hominum ex facie Dea saeva potentibus herbis
Induorat Circe in vultus ac terga ferarum.*

Horatius vero summis Vlyssiem laudibus extollit, quod pestiferum eiusmodi maleficium, & dulces Sirenium cantus mira sagacitate declinauerit

*Sirenium cantus, & Circes pocula novis,
Quae si cum sociis stultus, cupidusque bibisset,
Vixisset canis inmundus, vel amica luto sus.*

PROPOSITIO IV.

Ea hominis recensere officia, quae naturali lege erga alios iubentur.

A Ntequam mutua societatis officia perpendamus, illud adversus nonnullos aetatis nostrae philosophos statuendum, homines natura ipsa ad societatem esse comparatos, iis nempe esse viribus ac facultatibus instructos, in ea esse positos rerum ad vitam etiam sustentandam

pertinentium inopia, ut nulla alia ratione felicitatem illam, quam vo-
 tis omnibus experunt, consequi possint, nisi aliquo societatis, ac mu-
 tuo caritatis, & amicitiae foedere coniungantur. Quid enim magis
 exitiosum, quid absurdius excogitari potest, quam homines confingere
 pene belluarum similes, errantesque in agris, & modo de poris, de
 cibo, de somno capiendis sollicitos, modo insensibilissime oriens, modo
 in exagitandis, capiendisque feris occupatos non ipsius naturae voce
 ad societatem, sed fato miserrimo deplorandoque traductos? Quomodo
 enim fieri potest, ut cum hominum quilibet homines alios ab eadem
 causa creatos, eademque natura, iisdemque propemodum virtutibus ac
 viribus praeditos apprehenderit, ut eodem illos amore non diligat, &
 honore non prosequatur, quo seipsum diligi, & ab aliis amari, & honorari
 desiderat? Si enim universi hominum generis intimas essentiellesque pro-
 prietates attentius perpendamus, facile intelligemus ab uno eodemque
 Opifice sapientissimo homines universos natura aequales conditos esse,
 atque ad mutuam societatem esse institutos, cum eadem naturae lege
 non modo quemquam laedere prohibeamur, sed omnes ut aequales
 atque in eadem societate constitutos spectandos iubeamur, ipsoque intimo
 animi sensu & naturae voce moneamur alteri faciendum non esse, quod
 nobismetipsis fieri nolumus, eodemque iure cum aliis agendum quod no-
 bis cum aliis agere exoptamus. Quae quidem omnia ex ipsa societatis
 natura, in qua constituti sumus, ut Seneca animadvertit, profiscuntur.,
 „ Nefas, inquit, est nocere patriae; ergo civi quoque, nam hic pars
 „ patriae est. Sanctae partes, si universum venerabile est. Ergo &
 „ homini, nam hic in maiori tibi Urbe civis est. Quid si nocere
 „ velint manus pedibus, pedibus oculi? Ut omnia inter se membra
 „ consentiant, quia singula servari totius interest, ita homines singu-
 „ lis parcent, quia ad coetum geniti sunt; salva enim esse societas,
 „ nisi amore & concordia partium, non potest. „ Naturae ergo lege
 singulis hominibus cautum est in alterius vitam, existimationem, di-
 gnitatem, in bona, in possessiones, in pecunias invadere. Illud autem
 maxime cavendum, ne alterius mentem laedamus: quod triplici ratione
 fieri potest, ipsius videlicet culturam negligendo, quoties aut natu-
 ra, aut pactis, & conventionibus ad id praestandum teueamur, pravisque
 moribus, & doctrinis aliorum mentes informando atque inficiendo. Pa-
 rentes itaque, & praeceptores, quibus erudiendorum adolescentium cura
 incumbit, sanctissimas hasce naturae leges everunt, gravissimoque sce-
 lere sese obstringunt quoties ad susceptum munus diligentissime obeun-
 dum omnibus ingenii sui viribus non adstantur. Certe legi naturali
 iniurii maxime omnium censendi sunt, qui incautis adolescentium men-
 tibus errores instillant, pravisque sermonibus, corruptisque moribus vi-
 tiorum irritamenta suppeditant. Vitiato namque erroribus intellectu,
 voluntas quoque corrumpatur necesse est; hinc omnium scelestissimi,
 ac pervicacissimi evadunt, qui ex nefariis animo inditis sententiis, con-

ceptisque persuasionibus ad perpetranda crimina excitantur. Quare si proximum graviter offendunt, & naturae ius laedunt qui aliorum corporibus vulnus infligunt, nonne eo maiora incommoda, & damna ex vulneribus animo inflictis proficisci censendum est? Itaque non solum gravissimum scelus est si alios in vitia & errores praecipites agamus, sed etiam a vitiis & erroribus alios excitare quantum in nobis est iubemur, ut ad meliorem virtutis insistendam viam, & ad peragenda quaeque praeclara iterum possint assurgere. Verum non modo natura ipsa impellimur ut aliis prodesse velimus prudentiae rationes tradendo, & a vitiis avocando, sed etiam naturae legibus erudimur, ut aliorum hominum famae atque existimationi sedulo consulamus. Cum vero bonorum omnium, quibus in societate frui possumus, maximum sit bona existimatio, quis sine maximo scelere alteri dedecus & iniuriam poterit irrogare, & si quae fuerint alia, quibus alterius honor & fama laedatur, cum dolorum omnium intensissimus sit qui ex laesa existimatione dimanat, hominesque adversus alios homines armat, & sanctissimum societatis foedus dissolvit? Contumeliae itaque, & iniuriae vitari maxime debent, neque solum ista crimina immeritis atque innocentibus infligi non licet (quod sine summo iniustitiae & impudentiae scelere fieri non potest) sed etiam alterius crimina seu vitia, quae occulta fuerint, publicari non debent, & quamvis etiam publica, atque iis, quos alloquimur, perspecta fuerint, ita extenuari, excusari, vel in meliorem partem inspicere debant, ut odium, atque invidia, meliori qua poterit ratione, minuatur. Tantum itaque abest, ut conviciis, iniuriis, calumniis convicia, iniuriae, calumniae opponi possint, quod perditii quidam philosophi impudentissime existimant. Verum non calumniis solum, & contumeliis alterius fama laeditur, & existimatio, sed conviciis etiam, saryricisque descriptionibus. Honestis igitur, probisque hominibus diligentissime observandum est quomodo loquantur, scribant, operentur, idque eo maxime quod nihil tam cupidis, & praeis auribus audiatur, ut sunt hominum mores corruptissimum, quam livor, & obreptatio. Quid vero de iis dicemus, qui si forte literis aliquid valent, elati adeo tumentesque desipiunt, ut ab omnibus suspici, impenseque coli desiderant, quique in aliorum opinionibus refellendis, propriaque causa tuenda impudentissime ira se gerunt, ut non ingenuo purissimoque veritatis, & honestatis lumine dirigantur, sed disteris, atque calumniis utantur, eoque dementiae & temeritatis deveniant, & se praeclare adversarios consultasse videantur, cum aut humiles & infames eorum genealogias contexerunt, aut adolescentiae vitia amarulente descriperunt, aut mores corruptos graphice depinxerunt?

Cum vero societas, & humani generis tranquillitas haberi non possit, nisi hominibus serio, & constanter aliquid affirmantibus fidere possimus; hinc veritas & ingenuus animi candor requiritur, quo ceteros fallere, vel in errorem inducere summi dedecoris, & sceleris lo-

co habeamus, ideoque nunquam mentiri, vel contra animi nostri sententiam loqui debemus. Praecipuum ergo honestatis, & societatis caput funditus convellere nituntur qui miris ambagibus, atque aequivocatione, & restrictione mentali veritatem obnubi posse existimant; quod tamen non ita est intelligendum, ut aliquando dissimulari, vel occultari veritas, & animi sensus non possit; in hoc tamen summo opere curandum est, ut neque veritas exponatur, neque falsum asseratur; quod si aliquando cogamur aut veritatem ipsam nobis creditam patefacere, aut mendacio illam occultare, divino atque humano iure erudimur ut veritas ipsa, quae sine mendacio tegi non potest, appareat, quam ut mendacio, vel pravis, & inhonestis artibus occultetur; nullo nimirum pacto, munere, imperio, vel officio cogimur, ut secretum aliquod occultemus, quod sine scelere, sine mendacio occultari non possit, cumque mendacium ipsum divino, & naturali iure vetitum sit, nullo certe pacto, foedere, vel imperio excusari poterit.

Quid vero de his dicemus officiis, quae naturae lege erga Principem, & Rempublicam praescribuntur? Cum enim certo certius sit, suipremi Numinis nutu impelli homines ad societatem, eiusdemque custodem, libertatisque vindicem Principem Deus constituerit, quo salva, ac beata societas evaderet; (est enim libertas tum famae, tum vitae, tum rei familiaris, & omnium iurium possessio, de qua non sinit disturbari quempiam is, cui fuerit libertatis custodia & cura divinitus commissa) hunc ergo amore, & obsequio velut optimum Parentem prosequuntur omnes homines, huic obtemperabunt, ab hoc afficientur poenis, exilio, vinculis, interitu, si e repub. id fore existimaverit; cumque in subditis sibi gentes teneat imperium, Deique omnium terrarum principis beneficio, & auctoritate populos moderetur, nonne consequens est, ut ei cultus tribuatur cum caritate, benevolentiaque coniunctus, quod non modo observantis est animi, sed etiam grati; innumera enim sunt bona, quae in nos confert conservator, rectorque societatis, cum suum culque servet, & a vi, iniuriisque defendat, asserat pacis & omni tranquillitatem, consulatque corporis incolumitatem, cum rerum affluentia, & copia non modo ad vitae usum, sed etiam ad oblectationem, ad delicias, ad voluptatem. Quae quidem omnia eiusmodi sunt, ut impellere quodammodo debeant populum cum ad obediendum Imperatori, tum etiam ad eum & colendum & diligendum; ita certe ut cives nihil habeant in terris secundum Deum magis carum, & venerandum, quam Principis sui auctoritatem & vitam. Atque ut pro capitis salute membra periclitari consentaneum est, ita nullum debet esse periculum, cui illi non sese libenter obijciant, ut salvus & incolumis sit qui praestit; sibi enim persuadeant oportet, violato, & laeso capite membra salva esse nullo modo posse. Quamobrem preces etiam sunt Deo fundendae pro Rege, ut assiduis illum cumulet beneficiis,

atque

atque in gravissimis regni negotiis unam illi commonstret ducem divinarum sedium assitricem sapientiam.

COROLLARIUM I.

VT omnes officiorum nostrorum partes erga alios penitus adimpleantur, eae sunt excolendae virtutes, quae ex communis nimirum, & peculiaris amoris, sive amicitiae genere proficiuntur, quaeque per solam honestatem, & turpitudinem intrinsecam determinantur. Quae quidem cum ex communi omnium hominum amore sint derivandae, de mutuo hoc ac reciproco amore pauca dicemus, antequam ad virtutes sociales evolendas gradum faciamus. Plurimum itaque iuverit ad amorem in nobis aliorum excitandum, si ad ea solum attendamus, quae laudem, & admirationem merentur, benignoque animo ea interpretemur, quae in aliis reprehensione digna videntur. Cum vero nihil unquam virtute nobilius excogitari possit, nihilque quod magis alliciat homines ad diligendum, hinc mirabilis quaedam exardescit beneficentiae, & amoris magnitudo, dum aliquem nasci sumus, cuius cum moribus, & natura congruamus, quod in eo quasi lumen aliquod probitatis, & virtutis perspicere videamur; quare hunc non communi solum amore iure naturae complecti iubemur, sed praecipuo etiam mutuoque ad eum diligendum natura ipsa impellimur, sanctissimoque amicitiae foedere nobiscum illum coniungere adlaboramus. Quo sane amicitiae genere quid sanctius, quid iucundius, quid utilius esse unquam poterit? Haec enim, ut inquit Cicero, & secundas res splendidiore facit, & adversas partiens, communicansque leviores; cumque plurimas, & maximas commoditates amicitia contineat, tum illa nimirum praestat omnibus, quod bona spe praelucet in posterum, nec debilitari animos, aut cedere patitur, verum etiam amicum qui intuetur, tamquam exemplum aliquod intuetur sui; quocirca & absentes adsunt, & egeni abundanti, & imbecilles valent, & quod difficilior dictu est, mortui etiam vivunt: tantus eos honos, memoria, desiderium prosequitur amicorum. Ad hanc ergo cum caeteris hominibus ineundam non propria uniuscuiusque commodo atque utilitate, sed virtute potius atque honestate praesertim impelli debemus, utilitates namque etiam ab iis percipiuntur, qui simulatione amicitiae coluntur. Illud autem in amicitia ineundis cordi esse debet, ut ne nimis cito diligere incipiamus, neque non dignos; digni autem sunt amici, quibus inest in ipsis, cum diligantur, Leges autem in amicitia servandae ab Aristotele traditae, atque a Cicerone miris coloribus expressae, ad has rediguntur, scilicet ut neque rogemus res turpes, nec faciamus rogati: deinde ut ab amicis honesta petamus; amicorum causa honesta faciemus, si non expectemus quidem dum rogemur; ut ne criminibus aut inferendis delectetur amicus, aut credat

dat illatis. Qui in rebus humanis haud quidquam bonum norunt, nisi quod fructuosum sit, & amicos eos porissimum diligunt, ex quibus sperant, se maximum fructum esse capturos, pulcherrima illi, & naturali carent amicitia per se, & propter se expetita.

His ita delibatis naturales illas, seu philosophicas virtutes parumper contemplemur, quibus erga alios officia summo opere perficiuntur, & quas inter principem locum obtinent humilitas, mansuetudo, modestia, urbanitas, & liberalitas, quarum altera, humilitas nempe, est illa virtus, quae hominem inclinatur, ut de se, suisque omnibus modeste ac demisse sentiat, & loquatur. Mansuetudo vero opponitur irae, & quemadmodum clementia vindictam, ita mansuetudo iracundiam lenire debet, ideoque per illam animi temere in odium alicuius concitati comitate retinentur. Modestia, per quam pudor honestus claratur, & stabilem comparat auctoritatem, internos nimirum, & externos animi motus moderatur. Urbanitas vero ludis iocisque, & iucunditati, quae ex hilari amicorum, aliorumque colloquio, vel adspectu oriri solet, modum definit. Liberalitas denique sive beneficentia dicitur illa quae circa pecunias, aut caetera quae liberaliter erogari consueverunt, modum tuetur, atque efficit ut in erogandis illis mediocritas quaedam, proportio, vel aequalitas habeatur. Quamvis autem liberalitas ipsa cum beneficentia facile confundi possit, sic tamen Cicero, & Aristoteles beneficentiam a liberalitate distinguunt, ut velint liberalitatem circa pecunias versari, cum beneficentia ad quaelibet bonorum genera dirigatur.

Ad huiusmodi vero virtutes facilius comparandas, atque erga alios commodius exercendas plurimum iuverit, si non modo purissima aequitatis, & honestatis iura animo, & oculis obversentur, verum etiam si caelestis ac divina propemodum animi nostri natura spectetur. Illa enim nitide nobis ostendet quid hominem deceat, quid honestum, decorumque sit, quid eximio virtutis nomine decoretur, atque insita virtutis semina, vel honestatis igniculos, ut inquit Cicero, vividius excitabit, quibus ad illustrem virtutum omnium gloriam impellamur, atque ingenito veluti sceleris, inhonesti, vel indecori horrore a vitiis omnibus avertamur.

COROLLARIUM II.

Memoratis haec Virtutibus, quae erga caeteros homines naturali iure sunt exercendae, nullum magis opponitur vitium, quam iniustitia, quae est quasi omnium comprehensio vitiorum, quaeque est prava affectio consuetudine, & usu comparata, quae voluntatem inclinatur ad ius violandum, videlicet si cui id negetur quod possit ipse iure suo postulare, deinde si auferatur quod iure suo possidet, tandem si per nefas malum alicui, aut damnum inferatur. Vitium amicitiae con-

tra-

trarium inimicitia dicitur, quae non aliud esse videtur, nisi mutua inter duos, pluresve malevolae voluntatis dissensio. Nam qui inimici sunt inter se, ipsi sibi vicissim, & male cupiunt, & plerumque faciunt si possint. Quamobrem inimicitia a Tullio definitur ira ulciscendi. tempus observans. Nos quidem nocere nemini unquam nec facto, nec voluntate debemus, tum quia id naturali iure caurum est, tum quia magnitudini repugnat. Si quem vero non nostra culpa, neque enim committendum est unquam ut quemquam iniuriis provocemus, infestum habeamus atque inimicum, summopere est evitandum, ut significatione benevolentiae, & officiorum in gratiam cum illo redeamus.

Vitium, quod omnes fines, modumque superat amicitiae, oppositum est assentatio, quae cernitur in flecto, & blando sermone, aut gestu composito ad delectandum cum non oportet, & amicitiam imitatur, cuius tamen venenum est, & perniciēs. Sic habendum est, inquit Tullius, nullam in amicitia pestem esse maiorem, quam adulationem, blanditias, assentationem; aperte adulantem nemo non videt, addit Tullius, nisi qui admodum est excors, Callidus ille, & occultus ne se insinuet cavendum est, nec enim facile agnoscitur, quippe qui etiam adversando saepe assentatur, & litigare se simulans blanditur, atque ad extremum dat manus, vincique se patitur, ut ipse qui illusus est, plus vicisse videatur.

Benevolentiae, qua caeteros homines complecti iubemur, oppositum vitium est malevolentia, hoc est prava animi affectio, qua operamur, ut aliis male sit, quaeque a Tullio definitur voluptas ex malo alterius sine emolumento suo. Quod sane vitium eorum proprium est, qui natura immittes sunt, torvi, & angusto animo, timido, & suspicioso, & ignavo, omnia metuentes, inimici societatis, omnisque humanitatis expertes, qui libentius exterorum, quos ignorant, laudes audiunt, quam civium & domesticorum, eorumque, a quibus beneficiis plurimis cumulati fuere. Cum vero illud saepe contingat, ut qui in alienis exultant malis, in graves ipsi aerumnas incidunt, & aliis, quos paulo ante contempserint, ludibrio sint, fortunae vice mutata, hinc meminisse oportet nos quoque iis obnoxios esse calamitatibus, quibus alii premuntur, ex quo fiet, ut quemadmodum nobis gratum est, ac periucundum omnes habere benevolos, ita omnibus cupiamus bene esse commutatis officiis benevolentiae, quam qui ex usu hominum, tollunt, omnem iustitiae, liberalitatis, fidei, providentiae, aliarumque virtutum omnium causam substulerunt.

Beneficentiae, qua caeteros prosequi ipso naturae iure monemur, cum iuxta Tullium liberale officium sit serere beneficium, ut metere possimus fructum, opponitur maleficientia, quae est prava quaedam affectio, qua fit, ut proclivis sit animus ad nocendum. Sunt autem qui nocent impellente cupiditate, hoc est aut utilitatis, aut voluptatis cau-

causa, qui quidem, dum suis rebus prospiciunt, detrimentum inferunt alienis, pestes civitatum, rerumque publicarum; sunt alii qui innato quodam vitio naturae, & ingenii pravitate more ferarum trahuntur ad malefaciendum gratuito, inferendisque molestiis, & incommodis delectantur. Quos quidem non homines in societate constitutos, sed monstra porius dixerim, quae ad labefactandam, perturbandamque humanam societatem nata videntur.

PROPOSITIO V.

In quo porissimum optima hominis felicitas sit collocanda.

Qui de summo bono, sive ultimo hominis fine, & felicitate Philosophi disseruerunt, in varias adeo discrepantesque sententias abiit, ut mirari certe quis possit de re gravissima sapientissimos etiam viros mirifice dissidere. Alii namque in summa corporis, & sensuum voluptate: alii in fortunae bonis, divitiis nimirum, honoribus, gloria: alii denique, ut sexcentos alios praetermittam, in sola sapientia, sive virtute perfectam hominis felicitatem collocarunt. At quid impurius, & absurdius sententia illa effingi potest, in qua hominis felicitas in sola corporis voluptate, sensuumque illecebris collocatur? Aut enim concedi debet incorporeos, atque immortales animos corporibus copulatos in hominibus non reperiri, aut animos ipsos per se nihil appetere, vel ad nullum finem dirigi, aut certe nobiliorem hanc, divinamque hominis partem ad vilioris, infimaeque partis voluptatem turpissime declinare. Quis vero sanae mentis asserat hominis felicitatem communem esse cum brutis, praesertim cum voluptas illa, quae in humano corpore percipitur, eadem prorsus, atque nobilior etiam a brutis comparetur, in quibus plurimi sensus, & organa humanis delicatiora, proindeque voluptati lucundius percipiendae aptiora deprehenduntur? Quid quod amarus deinde fructus, animique dolorem excitant in hominibus verecundia, amittendae voluptatis timor, futurique mali praevidentia, quibus omnibus carent bruta: eo quod ratione destituantur? Nonne deinde iisdem prorsus rationibus illorum refelli potest sententia, qui summam hominis felicitatem in fortunae bonis sitam esse voluerunt? Illa namque extrinseca sunt, nihilque in animo efficiunt quo melior ille, & perfectior evadat, nec cum corporea atque incerta, & caduca sint, incorruptibilem atque immortalem animi cupiditatem completere valent. Accedit quod maxima sollicitudine, & labore divitiae comparantur, atque ubi congestae fuerint, maximo semper timore & anxietate servantur, ne qua temporum vicissitudine, hominum fraude, incendio, naufragio, & morte ipsa nobis invitis, atque inopere auferantur? Quid vero de honoribus, potestate, atque imperio

perio putabimus, nisi quod illa divitiarum instar cum labore possidentur, cum invidia conservantur, eosque ipsos, quos exornant, onerant, ac premunt? Omnia namque fortunae bona, Cicerone teste, caduca, fragilia, puerilibusque consentanea crepundiis sunt. Adfluunt subito, repente dilabuntur, nullo in loco, nulla in persona stabilibus nexa radicibus consistunt.

Quid vero de gravissima illa Stoicorum sententia censendum erit, quam antiquissimis temporibus mirifice floruisse legimus, quae omni corporis posthabita voluptate in sola sapientia sive virtute perfectam hominis felicitatem sitam esse tueretur? Non aliud certe de huiusmodi sententia sentiendum erit, nisi quod a Cicerone dictum accepimus, fieri nimirum non posse, ut eiusmodi sapientia sive virtus ab hominibus acquiratur, quae nullis aegritudinibus, nullo dolore, nulloque incommodo perturbatur, ideoque chimaericam hanc esse sapientiae speciem, nec ulla ratione veluti summum hominis bonum, ultimumque finem haberi posse, cum ab hominibus comparari, vel sperari quoque non possit.

Quibus ita se habentibus divini Platonis sententiae inhaerendum censemus, qui cum ultimum hominis finem summumque bonum inquireret, illud non in aliquo obiecto, vel re collocavit, quae in hac variabili mutabilique vita comparari posset, sed cum probe intelligeret, nos a Deo veluti fonte & principio profectos ad Deum ipsum veluti finem natura ipsa dirigi, animosque corpori superstites in illo puriori nobiliorique statu, quo a corporeis hisce vinculis veluti carcere solverentur, beatitatem esse habituros, Deum ipsum veluti summum bonum, finemque ultimum, perfectamque hominis felicitatem esse putavit; quae quidem Platonis sententia non gravissimis modo auctoritatibus, sed manifestissimis etiam rationibus fulcitur. Et sane ultimus hominis finis iure optimo ille censeretur, ad quem ultimo a natura ipsa, vel a Deo homines diriguntur, ille scilicet, cuius amore Deus homines condidit. At quis optime non apprehendit, eiusmodi finem aliud esse non posse, quam Deum ipsum, qui non alterius obiecti amore vel gratia, sed propter seipsum solum operari potest, proindeque finis est, qui inquiri, apperi, vel amari potest, adeoque finis ultimus est ille, qui ultimi omnem amoris vim extinguere valeat; atqui Deus solus, ut omnibus in comperto est, infinita bonitas est, atque infinita bona complectitur, & insatiabilem humanae voluntatis ardorem extinguit; ergo ille solum finis ultimus erit, summumque bonum: & sane nil aliud finis ultimus hominis esse poterat, quam prima causa, primumque principium, a quo ipse veluti fonte profluxit. Si enim res tanto nobilior, & perfectior est, quanto nobilior, & perfectius participat ex causa, a qua producit, tanto perfectior erit homo, quanto perfectius Deo ipsi coniungitur, atque illo fruitur, adeoque hominis felicitas, eiusque bea-

tita-

titudo nulla alia in re collocanda erit, nisi in unione, qua Deo ar-
 stissime adhaeret. Nonne tandem homines universi innato quodam pon-
 dere, atque impetu in illa feruntur, quae sibi similia sunt, ut appo-
 site animadvertit Plato? singuli enim, inquit, in id quod sibi simil-
 limum est a natura feruntur, ideoque perfecta hominis felicitas ulti-
 musque finis consistere debet in illo, quod homini simillimum est.
 At quodnam aliud obiectum effingi poterit, nisi solus Deus, ad cuius
 imaginem, & similitudinem factus est homo; quem eleganter exprimit
 intellectu & voluntate? Ergo in Deo solum suprema hominis felicitas,
 summumque bonum collocari debet, ut proinde optime dixerit Plato
 „ *Finem esse Deo similem fieri* „ . Quam sane felicitatem licet solis
 naturae viribus ab hominibus adhuc in terris agentibus perfecte com-
 parari non posse certissimum sit, cum illa post mortem animo refer-
 vetur, aliqua tamen felicitas in hac vita haberi poterit, siue animus
 ipse Deo veluti fini partim cognitione, partim amore poterit coniun-
 gi; cognitione quidem, vel intellectu, quatenus ex sensibilibus rerum
 contemplatione ad Deum ipsum agnoscendum possit assurgere, & prae-
 clara ipsius attributa aliqua ratione percipere, potentiam scilicet, sa-
 pientiam, bonitatem, providentiam, sanctitatem, benignitatemque,
 aliaque huiusmodi, quae ex pulcherrimo rerum naturalium ordine, per-
 fectionibusque, quae in iisdem occurrunt, facile derivantur. Cum vero
 Deum veluti summum legislatorem, ac moderatorem quisque contem-
 pletur, ritusque aliquos, veramque Religionem, sanctissimasque leges
 rationis nostrae lumini consentaneas ab ipso latas deprehendat, nonne
 in iis exequendis, debitumque cultum eidem exhibendum summopere
 allaborabit, ut cultu, & observantia non modo amorem ipsi, gratum-
 que animum ostendat, sed ipsam quoque felicitatem, finemque ab ipso
 constitutum feliciter assequatur?

Amore vero, seu voluntate nonne Deo possumus inhaerere, qua-
 tenus illum, ut optimum, beneficentissimumque patrem diligamus? Non
 modo ergo animus clarissimo rationis lumine, vel intellectu Deo ve-
 luti primae veritati debet adhaerere, sed voluntate etiam ipsa Deo ve-
 luti summo bono coniungi debet, ingenue nimirum sinceroque amore,
 quo Deum ipsum veluti auctorem, amantissimumque patrem veneretur,
 atque impense diligat. Si huiusmodi persuasio, siue consilium alte
 mortalium mentibus cordibusque infederit, quis aperte non videat
 tunc admirabili meliorique modo, qui in hac mortali vita sperari, vel
 optari fortasse possit, humanos animos Deo coniungi, adeoque aliqua
 beatitudine, siue felicitate donari, qua nulla melior, nulla nobilior
 inquiri possit, aut a philosophis ipsis, qui felicitatem, ultimumque fi-
 nem scrutati sunt, inventa fuerit, quae denique potius felicitates omnes,
 ac bona, quae ab illis omnibus veluti finis haberi solent, in se misce
 atque praeclare complectatur?

